



Inatsisartunut ilaasortaq, Jens Napaattoq, Naleraq
inatsisartut@ina.alla.gl

Kangaamiuni, Napasumi, Atammimmi aamma Qeqertarsuatsiaani helistoppinik sanaartornissaq pillugu § 37 naapertorlugu apeqquteqaammut 2022-077-imut akissut

19-04-2022

Sullap nr.: 2022 - 8364

ID. nr. 74853380

Asasara Jens

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

www.naalakkersuisut.gl

Inatsisartut suleriaasianni § 37 naapertorlugu Kangaamiuni, Napasumi, Atammimmi aamma Qeqertarsuatsiaani helistoppinik sanaartornissaq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput.

Akissutigata ataqatigiimmik atuarsinnaaqullugu, Maniitsumi nunaqarfinnut taakkununnga pingasuusunut tunngatillugu aallarniutigalugu oqaaseqaateqassaanga.

Kangaamiut, Napasoq Atammillu ukiuunerani nalinginnaasumik umiarsuarmik tikinneqarsinnaasernerat patsisaalluni, nunaqarfinnut taakkununnga qulimiguulimmik timmisartuussisoqartarnissaa pillugu kiffartuussinissamik isumaqatigiissusiortoqarnikuunngilaq.

Taamaattumik ajornartoortoqartinnagu nunaqarfiit siuliani pineqartut, qulimiguulimmik nalinginnaasumik tikinneqartassasut naatsorsuutigineqanngilaq. Assersuutigalugu qulimiguulimmik aallarussisoqartussaatiillugu ilaasartaatinut malittarisassat atuunnatik malittarisassat allat atuuttarmata, qulimiguulinnut mittarfeqanngikkaluartoq aallarussisoqarsinnaasarpoq.

Nunaqarfinnut qulimiguulimmik timmisartuussisoqartalissagaluarpat, nunaqarfimmut ataatsimut 1,5 mio. koruunit missaanniittut Aningaasanut Inatsisitigut atugassanngortinneqartariaqassagaluarput, soorluttaaq ingerlatsineranut nakkutilliinermullu aningaasanik immikkoortitsisoqartariaqassagaluartoq. Taakkununnga aningaasartuutissani qaffaseratarsinnaasuni, ukiunik arlalinnik akunneqarluni mittarfik arlaqanngitsunik atorineqartarnissaa isiginiarneqassaaq.

Ukioq manna februaarimi marsimilu misigisatsitit immikkut ittumik pisoqarsinnaasarpoq, tamannalu pillugu nunaqarfiit angallatinik tikinneqarsinnaatinnagit mittarfissanik nammineq toqqakkanik atuisinnaanermut periarfissanik erseqqissaasussamik misissuineq aallartinneqarluni.

Tamanna Angallannermut Aqutsisoqarfik ataqatigissaareqatigalugu pissaaq, immikkullu ittumik pisoqartillugu upalungaarsimanissamut pilersaaruteqarsinnaaqullugu tamanna piareersarneqassasoq neriutigineqarpoq.

1. Kangaamiuni helistop-mik sanasoqarniarpa?

Akissut: Kangaamiuni helistopimik sanasoqarnissaanik maannakkut pilersaaruteqartoqanngilaq.

2. Napasumi helistop-imik sanasoqarniarpa?

Akissut: Napasumi helistopimik sanasoqarnissaanik maannakkut pilersaaruteqartoqanngilaq.

3. Atammimmi helistop-imik sanasoqarniarpa?

Akissut: Atammimmi helistopimik sanasoqarnissaanik maannakkut pilersaaruteqartoqanngilaq.


4. Qeqertarsuatsiaani helistop-imik sanasoqarniarpa?

Akissut: Qeqqata pillugu Disko Line A/S-imut kiffartuussinissamik isumaqatigiissummut atatillugu, ukiup ingerlanerani Sarfaq Ittup uninnganerani Qeqertarsuatsiaat qaammatini sisamani umiarsuarmik tikinneqartarpoq. Silarlunnera patsisaalluni imaatigut angalasoqarsinnaatinnagu, periarfissanngoriartoq umiarsuarmik angallassiniartoqartarpoq, piffissallu sivikitsup iluani umiarsuarmik angallassisoqarsinnaatinnagu qulimiguulimmik timmisartuussisoqartarluni. Disko Line A/S sapaatip akunnikkaarlugu Qeqertarsuatsiaanukartarpoq. Disko Linep ilisimatitsissutigaa, akuttussuseq inissallu angalanissamik pisariaqartitsinermut naapertuuttut. Tamanna tunuliaqutaralugu Qeqertarsuatsiaani helistopiliortoqarnissaanik maannakkut pilersaaruteqanngilaq.

5. Qulaani taaneqartut nunaqarfiit ukiuunerani silaannakkut helikopter-imik angallavigineqartalissapat?

Akissut: Nunaqarfiit ukiuunerani umiarsuarmik suli tikinneqartarsinnaassasut Naalakkersuisut neriutigaat. Taamaakkaluartoq tikinneqarsinnaajunnaaratarsinnaanissaannut Naalakkersuisut sillimarusupput. Taamaattumik misissuineq siuliani nassuiaatigisara aallartinneqarpoq.

Neriuppunga qulaani allaqqasuni apeqquteqaatitit akineqartut.


Inussiarnersumik inuulluaqqusillunga
Erik Jensen